

方正經之前序已上道君示學士修誦之法也

元始无量度人上品妙經註解卷上

元始无量度人上品妙經註解卷中 往五

九江冰湖楚人薛季昶撰註解

此正經乃元始所說故直曰元始无量度人表元始以此經開度无量也

元始洞玄靈寶本章

元始天尊說此經以泄三洞玄妙之道也道君受元始洞玄之旨以為靈寶修具之本演而成章 此言本章上下二章

上品妙旨十迴度人百魔隱韻離合自然

二章乃上品衆妙之首當來元始十編說

經之旨也所言皆百魔秘旨聚則為悉散

則為文一離一合皆自然也 此正經之小序

混洞赤文无上真 此下皆言祖劫開化之事

混沌之初空洞之炁累經劫火鍊成赤文

天尊於无无之中以此亦文為諸上高真

度人之本

元始祖劫化生諸天

龍漢赤明上皇延康開皇皆劫名也祖劫

者始劫也化生諸天者謂由龍漢始有祖

悉而開化也

開明三景是為天根

祖劫玉清一炁生二而為上清一炁生三

而為太清三炁生九炁而生九天九天之

上又別而為三十二天每天各有一日

月星是為三景開者辭也明者光也天根

者元始祖悉為化生諸天之根本也

上无復祖惟道為身

自元始以上无復本祖惟此道為身耳言

萬法皆從元始本身起祖也

五文開廓普植神靈

混洞赤文經劫火成章之後演為五天之

炁化為五炁之文自无无中化生萬有三

界神靈普皆從此亦文而植立焉

无文不光无文不明无文不立无文不成无

文不度无文不生

所以天地萬物无此亦文則不光顯不明

亮不建立亦不成就不開度亦不生化昔

天真皇人云非混洞赤文則不能攝化九

陽明天度而成天境也

是為大梵天中之天

已上並言祖劫之事是為混洞大梵之炁融結亦文開化諸天此玉清一天寶諸天最尊也

鬱羅蕭臺玉山山京

此天之下有五京山與崑崙山相對周迴

八百餘里上有鬱羅蕭臺之境

上極无上大羅玉清

此皆梵炁結成而為上上无極之最上大

羅玉清之境

妙妙劫初若亡若存

玉清上境高出諸天微眇難見經劫不壞非仞尺可量目力可窮似有而似无者也

三華離便大有妙庭

三華堂離便官大有宮妙庭宮皆元始所

治玄都中宴息之所

金闕玉房森羅淨靈大行梵炁周回十方

更有黃金闕白玉房森羅上館淨靈之池

其間廣大流行皆是玉清梵炁周徧回轉

運行十方无有止息此上並言玉清境界

中有度人不死之神中有南極長生之君

玉清元始劫初之祖每一切終出法度人元始於此劫中開赤明國以此赤文化開混洞混洞化開彌羅是以大丹天內有梵寶丹靈赤帝君鍊真陽精開度眾生无量曰長生曰不死皆天府尊神之稱

中有度世司馬大神中有好生韓君丈人

亦朱陵天府鍊真度仙之司屬度世君主

陽九百六之數司馬君主滅邪却試之事

好生君則青華之别名韓君丈人號可韓

統五帝也

中有南上司令司錄延壽益算度厄尊神

南上者天府南陵上官司命以下皆分大

府之治職予奪功過災福於人

回骸起死无量度人

如世人尸解者身經太陰者皆回骸起已

之義如此等人其開度者无量

今日校錄諸天職軒

今天尊於赤明劫初游黎國內開圖校錄

諸天乘天尊道力皆來臨軒陛之下校者

比量罪福輕重錄者記載功過淺深

東方无極飛天神王長生大聖无量度人

南方无極飛天神王長生大聖无量度人

西方无極飛天神王長生大聖无量度人

北方无極飛天神王長生大聖无量度人

東北无極飛天神王長生大聖无量度人

東南无極飛天神王長生大聖无量度人

西南无極飛天神王長生大聖无量度人

西北无極飛天神王長生大聖无量度人

上方无極飛天神王長生大聖无量度人

下方无極飛天神王長生大聖无量度人

東方神王諱總南方諱飛西方諱雲北方

諱无鏡東北諱梵東南諱那那西南諱度

仙西北諱鏗无上方諱瑛下方諱落此即

十方救苦天尊化現也

十方至真飛天神王長生度世无量大神

昔十方天尊自赤明劫來游黎國內開校

圖錄之日奉元始勅命掌十方三界校量

功德開度无量

亞乘飛雲丹輿綠輦羽蓋瓊輪鸞駕朱鳳五

色玄龍建九色之節十絕靈幡

十方國土聽法而來所乘御者輪輦與蓋
所導引者龍鳳幡節

前彌九鳳齊唱後吹八鸞同鳴師子白鶴嘯
歌豈豈

所吹唱歌嘯者鳳鸞師鶴豈豈者和鳴也

五老啓途群仙翼轅

開啓前途則有始真皇玄元之五老輔翼
車轅則有十方諸仙衆真

億乘萬騎浮空而來

十千爲萬十萬爲億仙真騎乘浮空馭燕

來至道前

傾先回駕監真度生

傾注圓象回環法駕監臨衆真開度衆生

諸天丞相南昌上官

三十二天各有丞相南昌即丹天世界上

官即南陵天府學人仙化必經此官錄形

韓司主錄監生大神

韓司者即宮中丈人主錄錄度文籍監生

者主生竟鑄魄更生之別名也

執籙把籍齊到帝前

十方至真大神並抱執算度之籙籍俱會
帝前以遷舉也

隨所應度嚴拔諸天

隨學人功德應合度者委諸天嚴行而校

量之功以上並言考校學人功過及世人罪愆也

普告三界無極神鄉

然後普行告下天地水府三官无極者盡

三界諸神之鄉皆令知聞也

泉曲之府北都羅鄴

泉曲者在北溟之最下北都者北陰鄴都

陰氣重濁凝結成山曰鄴都山上參大

羅下極風泉山高九億九萬九千九百周

回九萬里黑氣濛濛收罪魂皆在此山

之中也

三官九署十二河源

山有三官上元宮去天稍近天官主之中

元宮在山之左地官主之下元宮在山之

右去風壘近水官主之此三官各有三府

府有百二十冥曹盡鄴都官吏考罪魂之

所九署即九州九壘土皇九令之司十二

河源者即十二水神之府水始出處曰源
一河源所在即有一司分治

上解祖考億劫種親

今天尊當劫運之終告下三界先將合受

度學人自无始已來及至今日歷世宗親

盡行超度然後受鍊

疾除罪薄落惡根不得拘留逼合鬼群

天尊告下即令疾速除去罪籍削絕惡業

之根不得拘執留滯混入衆鬼囚之中

元始符命時刻昇遷

方可應元始開光符命而得一時一刻昇

神於上清矣

北都寒池部衛形魂

朔單鬱絕之都乃鄴都洞陰之境其山寒

悉之極下有寒冰之池北陰天帝主之天

尊勅下北都令所部鬼神護衛形魂之神

使不散壞

制魔保舉度品南宮

制御所屬之魔衆各令保舉學人依南昌

受鍊格皆九年之品昇上南宮也

死魂受鍊仙化成人

已死之魂鬼質未盡必須南宮經受大鍊然後消去穢質羽化而成仙人

生身受度劫劫長存隨劫輪轉與天齊年

生身者由父母精血而成形也其魂一經

南宮之鍊度則非幻化色身而得債劫長存者也劫終劫始身隨運轉可與諸天相齊年劫也

水度三徒五苦八難超凌三界通達上清

三徒者三惡門名也一曰色慾門上尸道

天徒界二曰愛欲門中尸道水徒界三曰貪欲門下尸道地徒界此為三惡門一名

三尸道一名三徒界在人身中喜為惡事

斷人命根過人學仙之路抑人飛騰之魂

五苦者一名五道門也第一名色累苦心

門又曰泰山地獄苦道第二名愛累苦神

門又曰風刀苦道第三名貪累苦形門又

曰提石負山苦道第四名華競苦精門又

名填海作河苦道第五名身累苦魂門又

曰吞火食炭鏹湯苦道此五苦五道在人

身中過人招真之路斷人修仙之門八難

者三徒五苦合而為八難也又曰三徒者

一曰長夜徒二曰寒池徒三曰提石徒五

苦者一曰刀山苦二曰劍樹苦三曰鏹湯

苦四曰爐炭苦五曰考誦苦又一曰三徒

者三官徒役也一曰天官徒役奔雷走電

二曰地官徒役擔山負石三曰水官徒役

提級溟波五苦者登刀山履劍樹入鏹湯

抱銅柱吞火食炭也八難者八門幽曠之

難也夫學諸上道之士當先斷除諸累絕

滅苦難則真炁自降神仙自成即得超登

三界遊遊乎上清矣此言學士祖考交鍊已身得度

上清之天天帝玉真无色之境梵行

上清之天道君為化主其中天人修鍊成

真如玉之純无色之界元始為化主天中

純是梵炁流行學人昇遷至此則與道合

真矣

東方八天編自太皇以下須存想各天帝初

元始積九陽梵炁而成天境此八天自此

始南行帝服青冕青服青裳青雲九重有

九色玄龍導引于天帝前後

太皇黃會天帝鬱繼玉明

一名淨天其色黃宿次奎壁世人修十善

者昇此天尚有欲報故曰欲界帝諱觀覺

鬱繼者天帝內名玉明者魔王隱者也元

始以金書玉字秘于天之紫微宮

太明玉完天帝須阿那田

一名勝妙天其色綠宿次壁世人修二十

善昇此天須阿即天王內名那田即天王

隱音元始以玉簡金書秘于天之紫房宮

清明何童天帝元育齊京

一名先天其色黑宿次室世人修四十善

三根淨者昇此天元育即天王隱諱齊京

即真人內文元始以紫簡金書秘于天之

九晨宮

玄胎平育天帝劉度內鮮

一名梵天其色赤宿次危世人修六十善

四根淨者昇此天劉度內鮮即帝君隱諱

元始以金簡玉書秘于天之元景宮

元明文舉天帝魄法輪

此天色蒼宿次虛世人修八十善五根淨者昇此天醜即天君內文法輪即帝之異號元始以金書玉字祕于天之廣寒宮

上明七曜摩夷天帝恬愉延

一名自在天其色黑宿次女世人修一百善六根淨者昇此天恬愉即天帝內音延即天王隱號元始以玉簡金書祕于天之

太陰宮已上屬欲界六天此天去凡世五百二十億萬里乃風霄之界天中人壽不等其快樂最勝諸天也但初出凡界色相未斷或

手接或眼視或身或言皆欲也若天人初次修習梵行則昇于第二色界

虛无越行天帝正定光

一名初梵天其色碧宿次牛天人欲根雖淨尚有色塵正定光三字天君內文也元始以紫冊金書祕于天之太玄宮

太極濛翳天帝曲育九昌

一名二梵天其色紫宿次斗天人一色塵

蘇淨乃昇此天曲育即天之隱號九昌即帝之隱文元始以藥簡瓊書祕于天之玄

都宮也

南方入天此八天前在天太極二天皆色界

元始積三陽梵炁而成天境此八天自東始西行帝服青冕赤旒朱衣黃裳絳雲三重有朱雀鳳凰導引前後

赤明和陽天帝理禁上真

一名上先天其色白宿次箕斗天人二色塵蘇淨乃昇此天理禁上真四字即天王隱號也元始以玉簡瓊書祕于天之長明宮也

玄明恭華天帝空謠醜音

此天色黃宿次箕斗天人三色塵蘇淨乃昇此天空謠醜音四字即天君總號元始以玉冊金書祕于天之東華宮

耀明宗飄天帝重光明

此天色綠宿次尾天人四色塵蘇淨者乃昇此天重光明三字即天君總號元始以玉冊金書祕于天之浩元宮

竺路皇姑天帝摩夷妙辯

一名初淨天其色青宿次心天人五色塵

蘇淨乃昇此天摩夷即天帝隱諱妙辯即帝之內名元始以紫冊金書祕于天之清

玄宮

虛明堂耀天帝阿那婁生

一名嚴淨天其色赤宿次房天人六色塵蘇淨乃昇此天尚有細塵阿那即天王隱音婁生即帝之梵號元始以玉字金書祕于天重華宮

觀明端靖天帝鬱密羅千

此天其色蒼宿次氐天人一細塵淨乃昇此天鬱密即天帝隱文羅千即天君內號元始以藥簡金書祕于天之光華宮

玄明恭慶天帝龍羅善提

此天其色黑宿次元天人二細塵淨昇此天龍羅飛天內音善提即帝之隱號元始以金簡瓊書祕于天之闔闔宮

太煥極瑤天帝兜黎无延

此天其色碧宿次角天人三細塵淨昇此天兜黎无延四字即天王內音无延以瓊

篇素書祕于天之帝康宮

西方八天

此八天并前十天屬第二色界

元始積七陽梵炁而成天境此八天自南

始北行帝服青霓青梳白衣黃裳緋纓素

雲七重有白虎師子導引前後

元戴孔昇天帝開真定光

此天其色紫宿次軫角天人四細塵淨乃

昇此天開即天帝內音真定光即天王隱

諱元始以玉冊金書秘于天之延命宮

太安皇崖天帝婆婁阿貪

一名極樂天其色白宿次軫天人五細塵

淨乃昇此天婆婁即天帝內音阿貪帝魔

內名元始以金書玉刻秘于天之開明宮

顯定極風天帝招真童

一名廣樂天其色黃宿次翼天人六細塵

雖淨六輕塵染招真童三字即天君秘號

元始以瓊笈素字秘于天之太赤宮

始皇孝芒天帝陸羅婁王

此天色綠宿次張天人一輕塵淨乃昇此

天陸羅婁王即玉真內文元始以紫冊瓊

篇秘于天之太子宮

太皇翁重淳容天帝閔巴狂

此天色青宿次星天人二輕塵淨乃昇此

天閔巴狂三字即帝君內文元始以玉冊

金書秘于天之華蓋宮

元思江由天帝明梵光

此天色赤宿次柳天人三輕塵淨乃昇此

天明梵光三字即天帝內號元始以寶篆

雲章秘于天之太玄宮

上撰阮樂天帝勃勃監

一名自在天其色蒼宿次鬼天人四輕塵

淨乃昇此天勃勃即天君內文監即帝之

內號元始以琅書玉字秘于運靈宮

元極曇誓天帝飄誓宇隆

此天色黑宿次井天人五輕塵淨乃昇此

天也天人到此不復下墜飄誓即天魔內

文宵隆即天君隱諱元始以錦囊玉字秘

于天之中元宮此上並此天去欲界三十

萬里乃丹霞之景天人雖無情欲尚有形

色可見若漸次修習塵染頓盡則昇于无

色界也

北方八天

此八天屬元色界四天屬四維天總屬五清炁

元始積五陽梵炁而成天境此八天自西

始東行帝服青霓青梳白梳卑服朱裳黑雲五

重有玄龜羽蓋導引前後

皓庭霄度天帝慧覺尊

一名空无天其色碧宿次參井天人輕染

雖淨尚餘染習慧覺尊三字即帝君內音

元始以金書玉字秘于天之瓊瑤宮

淵通元洞天帝梵行觀生

一名識无边處其色紫宿次參天人色塵

都忘但有心識漸入悉觀梵行即天王內

音觀生即帝之隱諱元始以碧簡玉書秘

于天之真元宮

太文翰寵妙成天帝那育醜瓊

一名无所有處其色白宿次宿天人心識

兩忘悉觀轉妙那育醜瓊即魔王內文也

元始以玉書金字秘于天之幽靈宮

太素秀樂禁上天帝龍羅覺長

一名非想非非想天其色黃宿次畢天人

無想可忘悉觀轉妙龍羅即天王內諱也

覺長乃帝之隱文元始以瓊書五字秘于天之仙靈宮此四天界此天去色界三十六萬里乃碧霞之景天人身形微妙无復色象修學之者若至此天更能進修即昇上四種民天也

太虛无上常融天帝總監鬼神

此天色綠宿次昂天人初出三界結習頓忘清淨无染喜樂无爲蒸入神觀總監鬼神四字乃帝君都諱攝魔內音元始以玉刻玉字秘于天之萬福宮

太釋玉隆騰勝天帝妙妙行元

此天色青宿次胃天人喜樂頓除神觀轉妙妙妙行元四字即天帝之隱號元始以金書金字秘于天之白蓋宮
龍變覺度天帝運上玄玄

此天色赤宿次妻天人无染證不空果飛行自在運上即天王內文玄玄即玉真內音也元始以金書玉刻秘于天之靈寶宮
太極平育貴爽天帝大擇法門

此天色蒼宿次奎天人出二炁之外無年

壽之限到此究竟轉入三境也大擇法門四字即天王之總文元始以玉書紫字秘于天之天寶宮此四天界此天在大羅之下去无色界一百三十五萬八千里乃太虛之境天人既昇此天者則諸塵漏盡

飛行元炁上朝三境如劫運將終此天不壞天中聖人降凡開化為民之種生神章云以充種民是也

一十二天三十二帝

九天之上無陰九地之下無陽三天處於玄極无色界四種民天之上元始天尊居元上大羅之絕頂道藏云第一天玉清為金宮元始居之第二天上清為大宮靈寶居之第三天太清為土宮老君居之每一宮分三宮三清行數九宮故曰九清三十

二天俱在九清之下

諸天隱諱諸天隱名

每一天各有一帝每一帝各有其內名隱諱也

天中空洞自然靈章

皆是元始空洞之炁自然結成靈異之章諸天隱韻天中之音天中之尊天中之神天中大魔天中之靈

諧天之中各有隱蔽聲韻空洞妙音所以上聖高真尊而無上神而莫測也大魔者

即三界魔王也靈即監度諸靈官也

九和十合變化上清

九為陽天數也十為陰地數也陽為律陰為呂此空洞靈章自然和合陰陽律呂之妙諸天皆依憑之變化飛空遊行上清也

无量之真深不可詳

靈章開化實為无量真妙淵深不可詳測數落神真普度天人

皆元始當來開化以此靈章數布流落秘于諸天使諸神真執持天炁開度天人普

度者普皆受其開度也此言天中名諱皆成之

今日欣慶受度歷關諸天

人得受度則非凡夫自然喜慶歷關者是天尊勅下以所受度之人編歷關者使諸

天皆知今日某人當受度也

請滅三惡斬絕地根

請為滅去其人三惡之道新絕當來地獄根種子也

飛度五戶名列太玄

當得飛昇度出五苦之門則名姓列之於太玄丹籍也

魔王監舉无拘天門

勅攝魔王監臨保舉各令超入三界之上更无拘滯於天門也

東斗主算西斗記名北斗落死南斗上生中斗大魁總監眾靈

東斗五星主生系號主算君西斗四星主成物號記名君北斗七星號落死君故於注死簿上點落死名南斗六星號上生君

故於長生簿上添上生名中斗三星乃斗中大魁故總攝監視受度之人一曰中斗為炁之大帥總監一切神靈生死罪福之事也天尊首勅五斗之事保舉受度奉人也

青帝護魂白帝侍魄赤帝養氣黑帝通血黃

帝中主萬神无越

青帝治肝而護三魂帝姓闕諱闕明字靈威仰能使人三魂通靈也白帝治肺而侍魄帝姓上金諱昌闕字耀魄實能令七魄不亂也赤帝治心而養氣帝姓洞浮諱極

炎字赤燥弩主火能生養元氣也黑帝治腎而通血帝姓黑節諱靈會字隱局即大元水帝也水在人身中為血能周流於一身也黃帝主土氣鎮於脾帝姓通班諱元

成字含樞紐乃黃庭之中神意所在管攝一身之神無令差越也此乃天尊勅列五帝血神素令其與道合其矣

青天魔王巴元醜伯赤天魔王負天擔石白天魔王反山六目黑天魔王監醜朗觀黃天

魔王橫天擔力

青天魔王姓斌諱當成巴主領天魔每耗人肝氣令人喜怒不常赤天魔王姓弗名由肅主領地魔每能揭天力能傾山每耗人心氣令人狂暴白天魔王姓赤名張市一頭六目主領金山山川之魔能破山反

石每耗人肺氣令人貪愛黑天魔王姓徐諱直事主領四海九江川澤之魔為姓兇

醜而好殺害每耗人腎氣令人多慾黃天魔王姓天門諱波狂主領四方魔精每耗人脾氣令人好貪飲食多生疾病也天尊勅

五帝大魔萬神之宗

青帝魔王姓迫落諱萬刑赤帝魔王姓緒諱上柏白帝魔王姓鄧諱呼兒黑帝魔王姓烏諱公孫黃帝魔王姓宛躬諱產生其

職主領三界功等諸天為鬼神之宗也一曰五帝各有御魔總真靈符分衛五方青帝符吏名啓華赤帝符吏名明真白帝符吏名茂成黑帝符吏名守元黃帝符吏名叔真各領神兵守衛靈文以御魔也

飛行鼓從總領鬼兵

此明五帝大魔常部領鬼兵飛行太虛之中以音聲鼓吹之從故曰飛行鼓從也

此明大聖出入遊行儀飾魔者旗屬注羽

毛於竿首似旌旗之狀。懂者亦猶懂也。鼓節者擊鼓流吹以爲音樂節奏也。五帝大魔各自部領萬衆建立魔幢鼓節遊觀太虛之中。

自號赫奕諸天齊功

帝魔與元始同生故自號爲赫奕之神。掃蕩妖魔係舉學人與諸天功勳相爲齊並。上天度人嚴攝北鄩。

諸上天真以度人故嚴行統攝令下北鄩使諸魔不令惱害學人也。北都羅鄩之山。

有六洞鬼魔好絕人善事不嚴攝之則惱。官初真得度者。

神公受命普掃不祥

神公即大羅神公也。諱靡奕號馬龍氏受天尊符命掃除不祥也。

八威吐毒猛馬四張天丁前驅大帥仗掃

八威神吐火攝毒猛馬神四面張威天丁神爲之前引大帥神與之持掃。

擲火萬里流鈴八衝

擲火神飛光萬里之遠流鈴神振響八方。

之衝也

敢有干試拒遏上真

敢有邪魔干試拒遏於學上道修真之人也。

金鉞前戮巨天後刑

鉞者斧屬以金飾之故名金鉞。巨天者力士也。若有邪魔敢行干觸塞遏上真者則金鉞於前而斧戮巨天掠後以刀刑。又云天丁力士前誅後斬除滅鬼精也。

屠割鬼妻風火無停千千截首萬萬剪形。

凡此等魔鬼速須屠割而殺之急若風火毋得停止也。千千萬萬者言其多也。或斬截其首或剪滅其形也。

魔無干犯鬼無妖精

既屠割剪截之後則邪魔更無干犯鬼魅。

永絕妖精

三官北鄩明檢鬼管

三官行下北都羅鄩之中明白檢察鬼群之衆不得干犯學仙者也。

不得容隱金馬驛呈

又復告誡羅鄩部屬不得容匿鬼黨即馳金馬走驛來呈也。

普告無窮萬神咸聽

普告天上天下無極神鄉一切神靈咸使聽伏。

三界五帝列言上清

三界即欲界色界无色界之魔王也。五帝即五帝大魔也。並皆列言舉功保度學者上登上清之境也。天尊勅制魔王保舉學人滅除魔試

右正經上章前段

元洞玉曆龍漢延康

昔元始肇形五劫開化乃命天真皇人以玉曆紀劫運流傳之本元洞者以明祖炁也。玉曆者以紀天元也。劫運五周復歸于一自一炁化分三因成九若龍若蛇蟠曲。

九道以總九陽祖炁之元此龍漢劫中元始帝專出法度人之事也。龍漢劫乃始青之炁開九陽之炁華延康劫乃素靈之炁。

開七陽之炁英。眇眇億劫混沌之中上无復色下无復淵。

眇眇者不可紀極猶如混沌之中太凡一劫運終則三光幽暗天地混沌如初道歸本源萬物失一則上有何色下有何淵風澤洞虛金剛乘天

精而不雜上乘手天

天上天下无幽无冥无形无影无極无窮溟滓大梵寥廓无光

天上地下幽隱冥暗不可區別无色象之可觀无窮極之可度惟一自然大梵之炁

溟滓寥廓而无光明也此引龍漢祖劫之事以證赤明第二劫開闢之旨

赤明開闢運度自然

天地再造至赤明元年劫運始開重生海嶽元始以自然大鍊赤文開闢度人所謂

運度者六十年一甲子一百年一中期一千年為小劫三小劫為一大劫運度之數皆混沌自然之炁而生之

元始安鎮數落五篇天地既立尚拘劫運元始乃親大鍊之真

文因雲篆之結成數散分落安鎮諸天五篇者其一太上太清九真安化上愛玉符其二太上交神生明玉化符其三太上真皇混册肅玄符其四八威禁龍制虎飛英太白玉化符其五明綱玄兆大明九化符

赤書五字八威龍文

書經大鍊故曰赤書字經玉刻故曰五字文如龍飛之狀故曰龍文八威者龍飛走八方之威勢也

保制劫運使天長存

此言赤書真符龍文並能制御劫運消劫否終使天地長久而無傾覆也

梵炁彌羅萬範開張

大梵祖炁天地之根元始乘此虛梵之炁彌羅諸天範者法也萬法皆從此而開布

分張也

元綱流演三十二天輪轉无色周回十方祖炁乃天元之綱紀流行于三十二天之中也如輪而運自无色界始然後周徧於十方也

旋斗歷箕回度五常

天罡左旋諸星右轉始於斗宿終於箕宿歷二十八宿而一周天回旋五星之常度而成人間一歲之炁運也

三十五分總炁上元

二十八宿及日月金木水火土五星而成三十五周天之分野皆總受高上天元之炁也此結集第二劫赤炁也

八景冥合炁入玄玄

八景者指神霄玉清下統八天梵炁也始

青天則太霄炁太青天則青霄炁始丹天則碧霄炁太丹天則絳霄炁始素天則景霄炁太素天則玉霄炁始玄天則珠霄炁

太玄天則素霄炁冥合者譜天八景之炁皆與神霄玉清真王祖炁冥冥參合而變化无窮也玄之又玄何可名狀

玄中太皇上帝高真

玄中者紫微天宮玄都中宮也太皇者明皇道君上帝高真皆玄都中靈真至真

沉景太霞嘯詠洞章

此上衆真常浮汎八景之炁於太霞之上
嘯詠空洞靈章開化天人

金真朗郁流響雲啓

金真梵炁朗郁成文嘯歌流演飛騰雲啓
道之動也

玉音攝炁靈風聚煙

玉音寂然收攝梵炁靈風靜默聚合凝煙
道之靜也

紫虛鬱秀輔翼萬仙

此皆紫皇虛元梵炁鬱然秀發輔翼學人

修真成仙也

千和萬合自然成真

薛幽棲註曰言修誦之人若干真和其神
萬道合其炁真與神混體道與炁合形自
然而成真也

真中有神長生大君

學道修真之士當知身中皆有諸神上應
于天長生大君斗中尊星在人則居臍下
命門也

无英公子白元專神

无英在人身則居肝號公子白元在人身
則居肺號專神亦斗中二神也

太乙司令桃康合延

四神名皆斗中真人也在人則太乙在腦
司令在心桃康在臍左合延在腎右

執符把籙保命生根

此上諸斗真降在人則為身之神在天則
執符把籙保人形命受生之根使之長生

上遊上清出入華房

其神上則遊行上清之境出入丹華之房

華房者即丹天太微之房也

八冥之內細微之中

八冥即八極也細微即毫末也言此諸神
則大无不處細无不入或舒布於八冥之
中或貫穿於一毫之末

下鎮人身泥丸絳宮

其神下則安鎮人身之中或在泥丸或居
絳宮泥丸在腦後眉間却入三寸絳宮者
即心也

中理五炁混合百神

人居天地之間調理五行之炁則九竅百
神與道合真矣

十轉回靈萬炁齊仙

人能如此顛倒五行十轉而回旋之修鍊
靈光陽神出現仙不難齊矣十者陰陽之

成數也如乾九坎一坤六離四巽二兌八

艮三震七皆合而成十

仙道貴生无量度人

仙道所貴唯在於生故无量度人不可勝
算也

上開八門飛天法輪

八天之上八帝各開一長生之門登引仙
真天中又有飛天神王轉動无上法輪使
之解脫

罪福禁戒宿命因緣

作罪作福各有禁戒宿命根善惡因緣
轉此法輪則彼脫苦輪矣

普受開度死魂生身

由是普皆得受太上開度之恩已死之魂
亦可更生如身經太陰而返形陽仙也

身得受生上聞諸天

身既受度則有度世大神為之具列名姓

告聞於諸天矣

諸天之上各有生門

天天各有長生之門昇進學人校錄有差

等也此言受報既終當得受度者也

右正經一章下段此下誦歌乃正經下章

中有空洞誦歌之章

諸天各有空洞誦歌皆勸勉學人之章也

魔王靈篇辭參高真

○此章是魔王所述至神至靈辭意皆參合於高真也此魔王取章之序引

第一欲界飛空之音

欲界自皇曾天至摩夷天此六天為欲界

之分此天最居下位中有魔王宇都默此

天中人有形有欲觸物染著故曰欲界也

魔王於此界中誦歌此音變化飛空故曰

飛空之音也

人道眇眇仙道莽莽

人道甚微眇而易失仙道甚莽大而難證

鬼道樂乎當人生門

鬼道喜耽欲樂阻當學人長生之門也

天道貴生鬼道貴終

天道尚昇故貴乎生鬼道尚墜故貴乎終

仙道常自吉鬼道常自凶

昇入仙道則多吉慶淪墜鬼道則多凶寧

高上清靈爽悲歌朗太空

諸上高真鍾靈秀之炁者每悲哀此界天

人易入鬼趣故於空中朗然形之歌詠以

勸勉之

○惟願仙道成不欲入道窮

但欲此界天人證成仙果不欲窮而墜下

流入鬼趣也

北都泉曲府中有萬鬼群

若此界天人不知修證報盡輪迴必淪墜

於北都拘入鬼黨之中矣

但欲過人昇斷絕人命門

命門即生門也北都鬼眾專好過絕人長

生之門也

阿人歌洞章以攝北羅鄴

此界內最尊者故稱阿人洞章即此飛空

之音魔王歌此章警戒天人攝伏魔鬼

東送祇魔精新敲六鬼鋒

欲魔襲人甚於鋒刃者體束送斬馘者皆

斷絕之義六鬼者即六情所染色聲香味

觸法之六欲也性也

諸天无蕩蕩我道日興隆

欲界中諸天正无蕩蕩然而流行无復魔

障我昇仙之道日漸興旺矣

○第二色界魔王之章

色界自虛无越衡天至雲蓋天此十八天

皆色界之分居于欲界之上故曰第二也

中有魔王謹摩羅此中天人有形无欲故

曰色界魔王統管此界故歌此章以勸勉

學人也

落落高張明炁四騫

色界十八天落落然高出於欲界六天之

上張者列也梵炁光明朗照四方騫者透

也開也

梵行諸天周迴十方

梵炁流行於諸天周旋回環於十方也
无量大神皆由我身我有洞章萬偏成仙
此中无量大神皆我魔身化現也洞章即
此歌也天人讀之萬偏立證仙真矣
仙道貴度鬼道相連

仙尚超度鬼尚墜落仙道鬼道常相連屬
進則仙退則鬼學仙道者宜謹之

天地眇莽穢氣紛紛

眇莽者言天地廣大眇茫莽蕩也穢氣者
色塵也紛紛者雜也此界天人尚染色塵
未能離色不免失墜

三界樂乎過之常存

能於三界之中樂然離色忘塵則可徑得
超過色界昇上无色之界可以長存矣
身度我界體入自然

有能修證離色忘塵度出我界身入自然
與道合真矣

此時樂乎薄由我恩

到此時節寂滅為樂皆由我章勸勉之恩
保度得入三清之境薄者魔王自謙之辭

龍漢蕩蕩何能別真

龍漢劫中梵炁蕩蕩乃玉清境天人稍有
塵累未可證入如引入黍珠但只仰看而
已真偽可知

我界難度故作洞文

我界群魔多諸幻惑為此難度故作洞章
以勸學者勉力而修進也

變化飛空以試爾身

魔王自言我形神變化現飛空以試爾等
諸天人身修證如何

成敗懈退度者幾人

其間天人十成九敗懈怠退步能修證者
幾人也哉

笑爾不度故為歌音

魔王自言我嗤笑爾等不求自度故作此
歌章以勉之

第三无色界魔王歌曰

自霄度天至禁上天此四天為无色界也
在色界之上故曰第三此天之人形欲俱
空故名无色魔王諱詭作此謠歌之音

三界之上眇眇大羅

无色界雖超出欲色二界之上其視大羅
尚眇眇而難見也
上无色根雲層我我

大羅天上元有色根色根者猶言六根也

色根既无色塵亦无但見雲炁層層而高
積爾

唯有元始浩劫之家

唯有元始居此大羅之上劫終劫始開化
度人元始乃浩劫之家

卻制我界統承玄都

我界中天人皆屬元始卻制承受玄都之
統率玄都者紫微上官也

有過我界身入玉虛

有超過我无色界者其身便證入手玉虛
真境也

我位上王位御衆魔

魔王自言我居此天最上王位而臣伏於
衆魔也

空中萬變穢氣紛紛

飛空之中千變萬化昇度學人使之證真而塵穢之炁常紛華天人耳目

保真者少迷惑者多
天人雖離染忘色未能遺忘猶以心識為患故保者少而迷者多

仙道難固鬼道易邪人道者心諒不由他仙道難守心識一惑流入鬼邪凡欲證真人者只忘心自遣而已諒想不在手他仙道貴實人道貴華

夫修仙之道道貴於真實行人之道道貴於浮華

爾不樂仙道三界那得過
爾等天人不好樂仙道真寶或於心識決不能遣有入妙如何得超出三界矣其欲轉五道我當復奈何

爾等不能遣有畢竟速惑何由離轉五苦之道故魔王自言如此我却不能爾何也此三界之上飛空之中魔王歌音參洞章言此歌雖出於魔王之口其音却參合乎大洞之章

誦之百篇名度南宮誦之千篇魔王保迎萬編道備飛昇太空過度三界位登仙公有聞靈音魔王敬形勅制地祇侍衛送迎

按薛幽樓曰言誦此魔王之章百編即名籍昇度南上朱宮千編即魔王保護出入

送迎萬編之道既備則駕龍昇乎太清遊行太空即身起三界位登仙公矣有聞靈音者謂聞靈寶本章也道君歎辭有聞我靈寶本章之人若能持誦修鍊即得三界魔王敬其形體復勅勒土地祇靈侍衛送迎之也

拔出地戶五苦八難七祖昇遷永離鬼官魂度朱陵受鍊更生是謂无量普度无窮

拔七祖之昇遷超八難之鬼謫永出玄夜之河長辭北府之官七祖既得昇遷皆入南宮受鍊鍊化既畢遂得更生可謂普度

无边廣濟无量朱陵者即南上朱陵宮也有秘上天文諸天共所崇泄慢墮地獄禍及七祖翁
若有能實秘尊重此文則諸天上帝眾聖

尊神共所欽敬若輕漏泄慢則身謝三官殃及七祖經既終畢故重有戒言此二章也

也此已上道君結集魔王三章之音再開也述開者攝者之功德及顯示敬者慢者之罪

元始无量度人上品妙經註解卷中